

## X თავი

### საუნივერსიტეტო სტიპენდიები

ბსუ-ში გაიცემა სხვადასხვა სახის სტიპენდიები. მათი დანიშვნა-გაცემის რეგულაცია მოცემულია ბსუ-ს წარმომადგენლობითი საბჭოს 2018 წლის 07 ნოემბრის N01 გადაწყვეტილებით დამტკიცებულ „საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის სტუდენტთათვის სტიპენდიების დანიშვნისა და გაცემის წესში“ (სტუდენტთა გზამკვლევის დანართი 4); ბსუ-ს წარმომადგენლობითი საბჭოს 2015 წლის 29 სექტემბრის N03 გადაწყვეტილებით დამტკიცებულ „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის სტუდენტთათვის შოთა რუსთაველისა და ხუსეინ ნაკაიძის სახელობის საუნივერსიტეტო სახელობითი სტიპენდიების დანიშვნისა და გაცემის წესში“ (სტუდენტთა გზამკვლევის დანართი 28); ბსუ-ს წარმომადგენლობითი საბჭოს 2018 წლის 07 ნოემბრის N02 გადაწყვეტილებით დამტკიცებულ „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის სტუდენტთათვის ავთანდილ ბარათაშვილის სახელობის სტიპენდიის დანიშვნისა და გაცემის წესში“ (სტუდენტთა გზამკვლევის დანართი 5) და ბსუ-ს წარმომადგენლობითი საბჭოს 2015 წლის 29 სექტემბრის N06 გადაწყვეტილებით დამტკიცებულ „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის სტუდენტთა სწავლის საფასურის გადახდის წესში“ (სტუდენტთა გზამკვლევის დანართი 3).

**ბსუ-ს სტუდენტებს შესაძლებელია დაენიშნოთ შემდეგი სახის სტიპენდია:**

1. „პირველსემესტრელის სტიპენდია“ - (ყოველთვიურად 100 ლარის ოდენობით) - ენიშნება პირველი სასწავლო წლის პირველი სემესტრის იმ სტუდენტს, რომელიც ერთიანი ეროვნული გამოცდების შედეგად ჩაირიცხება აბიტურიენტის განაცხადში (სარეგისტრაციო ანკეტაში) მის მიერ პირველ ნომრად მითითებულ, წინამდებარე წესის მე-2 პუნქტის „ა“-„გ“ ქვეპუნქტებით გათვალისწინებულ ბსუ-ს რომელიმე პროგრამაზე და ამავდროულად, ერთიანი ეროვნული გამოცდისათვის ბსუ-ს მიერ განსაზღვრულ, სავალდებულო საგნის (მათემატიკა ან/და ისტორია) გამოცდაზე მიღებული აქვს ფაკულტეტზე ჩარიცხულ სტუდენტთა შორის ყველაზე მაღალი (სკალირებული) ქულა (*ცვლილება ბსუ-ს წარმომადგენლობითი საბჭოს 2020 წლის 07 ოქტომბრის N 07-01\86 გადაწყვეტილებით*).;
2. „საფაკულტეტო სახელობითი სტიპენდია“ - ყოველთვიურად 150 ლარის ოდენობით, ენიშნება ჩატარებული კონკურსის შედეგად გამარჯვებულ კანდიდატებს (სწავლის მეორე წლიდან - მესამე სემესტრიდან), რომლებსაც საგანმანათლებლო პროგრამით გათვალისწინებულ სასწავლო კურსებში (როგორც

ძირითად ან/და დამატებით, ისე საკუთარი ინიციატივით დარეგისტრირებულ სასწავლო კურსში), „საშუალო შეწონილი“ ფორმულით მიღებული აქვთ 91 ქულა და მეტი და რომლებიც გამოირჩევიან აქტიური სამეცნიერო საქმიანობით (გამოქვეყნებული აქვს სამეცნიერო ნაშრომი შესაბამის სპეციალობაში ან არის სხვადასხვა სამეცნიერო ან სასწავლო კონფერენციების, სემინარების, სიმპოზიუმების და ა.შ. მონაწილე და აქვს მაღალი მიღწევები. **„საფაკულტეტო სახელობითი სტიპენდია“ გაიცემა** შემოდგომის სემესტრისათვის - სექტემბრიდან მომდევნო წლის თებერვლის ჩათვლით, ხოლო გაზაფხულის სემესტრისათვის - მარტიდან აგვისტოს ჩათვლით (თითოეული - 6 თვის პერიოდის). *(ცვლილება მსუს წარმომადგენლობითი საბჭოს 2020 წლის 13 მარტის N 07-01\67 გადაწყვეტილებით).*

3. **„საუნივერსიტეტო სახელობითი სტიპენდია“** - ყოველთვიურად 200 ლარის ოდენობით, ენიშნება ჩატარებული კონკურსის შედეგად გამარჯვებულ კანდიდატს (სწავლების მეორე წლიდან - მესამე სემესტრიდან), რომელსაც საგანმანათლებლო პროგრამით გათვალისწინებულ სასწავლო კურსებში (როგორც ძირითად ან/და დამატებით, ისე საკუთარი ინიციატივით დარეგისტრირებულ სასწავლო კურსში), „საშუალო შეწონილი“ ფორმულით მიღებული აქვთ 91 ქულა და მეტი და რომელიც გამოირჩევა აქტიური სამეცნიერო საქმიანობით (გამოქვეყნებული აქვს სამეცნიერო ნაშრომი შესაბამის სპეციალობაში ან არის სხვადასხვა სამეცნიერო ან სასწავლო კონფერენციების, სემინარების, სიმპოზიუმების და ა.შ. მონაწილე და აქვს მაღალი მიღწევები). **„საუნივერსიტეტო სახელობითი სტიპენდია“** გაიცემა შემოდგომის სემესტრისათვის - ოქტომბრიდან მომდევნო წლის თებერვლის ჩათვლით, ხოლო გაზაფხულის სემესტრისათვის - მარტიდან ივლისის ჩათვლით პერიოდისათვის (თითოეული 5 თვის პერიოდის).
4. **„ავთანდილ ბარათაშვილის სახელობის სტიპენდია“** - სტიპენდია ენიშნება კონკურსის წესით შერჩეულ, უმაღლესი აკადემიური განათლების პირველი და მეორე საფეხურის საგანმანათლებლო პროგრამების აქტიური სტუდენტის სტატუსის მქონე 8 (რვა) სტუდენტს, სწავლის მეორე წლიდან (მესამე სემესტრიდან), ყოველთვიურად 190 (ასოთხმოცხდაათი) ლარის ოდენობით. სტიპენდია თითოეულ სემესტრში გაიცემა ერთჯერადად, სტიპენდიის გაცემის თაობაზე სამართლებრივი აქტის გამოცემიდან არაუგვიანეს 10 სამუშაო დღისა.
5. **„შოთა რუსთაველისა და ხუსეინ ნაკაიძის სახელობის საუნივერსიტეტო სახელობითი სტიპენდია“** - სტიპენდია ენიშნება კონკურსის საფუძველზე შერჩეულ სტუდენტს, სწავლების მეორე წლიდან (მესამე სემესტრიდან), თუ გასული სასწავლო წლის (წლების) განმავლობაში, საგანმანათლებლო პროგრამით გათვალისწინებულ დისციპლინებში „საშუალო შეწონილი“ ფორმულით მიღებული აქვს 91 ქულა და მეტი და რომელიც გამოირჩევა აქტიური სამეცნიერო საქმიანობით (გამოქვეყნებული აქვს სამეცნიერო ნაშრომი შესაბამის სპეციალობაში ან არის სხვადასხვა სამეცნიერო ან სასწავლო კონფერენციების, სემინარების, სიმპოზიუმების და ა.შ. მონაწილე და აქვს მაღალი მიღწევები). სტიპენდიის მისაღები პერიოდი მოიცავს შესაბამისი სასწავლო წლის ოქტომბრიდან ივლისის ჩათვლით პერიოდს.

6. **ბსუ-ს გაცვლითი საგანმანათლებლო პროგრამის მონაწილე სტუდენტის ერთჯერადი სტიპენდია** - ბსუ-ს სტუდენტის მიერ უცხო ქვეყნის საგანმანათლებლო დაწესებულებაში ათვისებული კრედიტების აღიარების შესაბამისად, თუკი ამ სტუდენტს წინასწარ გადახდილი აქვს ამ კრედიტების საფასური და გამოიცემა რექტორის ბრძანება ერთჯერადი სტიპენდიის დანიშვნის თაობაზე. სტიპენდიის ოდენობა განისაზღვრება სტუდენტისათვის აღიარებული კრედიტების საფასურის ექვივალენტით. სტიპენდიის დანიშვნისა და გაცემის შესახებ სამართლებრივი აქტების გამოცემის საფუძველია სტუდენტის განცხადება და შესაბამისი ფაკულტეტის დეკანის დასაბუთებული სამსახურებრივი ბარათი.
7. **სახელმწიფო სტიპენდია** - თვეში 150 ლარის ოდენობით, რომელიც ბსუ-ში გაიცემა სახელმწიფო პროგრამის „სახელმწიფო სტიპენდიები სტუდენტებს“ ფარგლებში, ბსუ-ს რექტორის ბრძანებით დამტკიცებული წესის შესაბამისად 2020 წლის 01 ოქტომბრიდან 2021 წლის 01 მარტამდე პერიოდში. (სტუდენტთა გზამკვლევის **დანართი 29**).

## **ბსუ-ში დაწესებულია შემდეგი „სახელობითი სტიპენდიები“:**

### **ჰუმანიტარულ მეცნიერებათა ფაკულტეტი**

- 1) პროფ. როლანდ კომახიძის სახელობის;
- 2) პროფ. დავით ხახუტაიშვილის სახელობის;
- 3) პროფ. აბელ სურგულაძის სახელობის;
- 4) სელიმ ხიმშიაშვილის სახელობის.

### **საბუნებისმეტყველო მეცნიერებათა და ჯანდაცვის ფაკულტეტი**

- 1) აკად. მემედ კომახიძის სახელობის;
- 2) დოც. ვლადიმერ ქემხაძის სახელობის;
- 3) დოც. ოთარ ახვლედიანის სახელობის.

### **ზუსტ მეცნიერებათა და განათლების ფაკულტეტი**

- 1) აკად. დურსუნ ბალაძის სახელობის;
- 2) ხუსეინ ხალვაშის სახელობის;
- 3) სილოვან დადუნაშვილის სახელობის;
- 4) გულო ალა კაიკაციშვილის სახელობის.

### **ეკონომიკისა და ბიზნესის ფაკულტეტი**

- 1) პროფ. ვახტანგ პაპუნძის სახელობის;
- 2) პროფ. ვალერიან მელქაძის სახელობის;
- 3) პროფესორ გივი გამსახურდიას სახელობის.

### **იურიდიული და სოციალურ მეცნიერებათა ფაკულტეტი**

- 1) პროფ. სერგო ჯორბენაძის სახელობის;
- 2) ტბელ აბუსელიძის სახელობის.

### **ტექნოლოგიური ფაკულტეტი**

- 1) გიორგი ნიკოლაძის სახელობის;
- 2) აკად. ლევან ყანჩაველის სახელობის.

### **ტურიზმის ფაკულტეტი**

- 1) ექვთიმე თაყაიშვილის სახელობის;
- 2) ვახუშტი ბატონიშვილის სახელობის.